



BIBLIOTHECA
UNIV. JAGELL.
CRACOVENSIS

katkomp

53320


Mag. St. Dr.

Biblioteka Jagiellońska



stdr0016822





C

G

D

I.V
33

R

M

P

JN NOMINE DOMINI, AMEN.

QVÆSTIO
PHYSICA,

^{DE}
GENERATIONE
SUBSTANTIALI,

SUB FELICISSIMIS AVSPICIIS
Magnifici, Perillustri & Admodum Reuerendi Domini,

D. ALBERTI
LANCVCKI,

I. V. Doct: & Prof: Ecclef: Colle: Pileceñ: Archidiac:
SS. Omn: Crac: Cancell: S. Michaëlis in Arce Crac:
Canon: Cont: Iagel: Prouisoris, &c. Almæ Vni-
uersitatis Cracouiensis, Studij Generalis
RECTORIS VIGILANTISSIMI.



53320
I

M SEBASTIANO IOANNE PISKORSKI, *Phil: Doct.*

Publicè ad disputandum.

PROPOSITA.

Peraugusto DD. Theologorum Lect. A. D. 1668.

Mensis Octobris, Die 12. Horâ 14.

Bz. 1. 8.



Perillustri, & Adm: Rñdo Dño.

D. ANDREÆ KVCHARSKI,

S. T. Doct: & Prof: Canonico Cracou: &c. &c.

inclytæ Domûs Maioris, Almæ Vniuersitatis Cra-
couiensis, Seniori Patri. Cæterisq;

Illustr: Adm: Rñdis Clariss: Excellentiss: D. D.
Domûs eiusdem Doctoribus, & Professoribus, Pa-
tribus, Patronisq; amplissimis.

L*V*cem aspicere publicam, sine præuiâ obseruatione, amplissimis
Nominibus Vestris ut oberratâ multum, ita semper vectigali;
ruborem suum existimauit maximum, isthac Generatio mea,
iure adoptionis Vestra. Patres, Patroni colendissimi. Nescio enim, quâ
fronte, auctoramenti eiusmodi decus respiceret; si horoscopantis fortu-
næ suæ partem, benigniore in aspectu vestro positam, nollet agnoscere:
aut quàm prospero pede, ad eadem Honoris, valeret metiri aditum;
vitæ domum, pulcerrimâ synodo Luminarium Vestrorum prouisan
præteruehi aliquo modo præsumeret. Honestissima hæc, astrorum nata-
libus horis arridentium, occupatio; fateor, plerisq; voluptatis ipsi
causâ; mihi certè necessitatis, officijq; est. Respicere beneficium duntaxat
ipsum, ubi obuenit: nequicquàm attento unde prouenerit; extrema
ingratitude censum semper iudicaui. Fontem, ex quo hauseris, sin-
minùs coronare licuit: seruare saltem grato intuitu decet. Hæc Horosco-
pi, ad exortum in Minori Domo, Vestrâ voluntate & beneficio honorem
Genesisquæ meæ, in vobis clarissimâ Iagellonei Lycei Lumina, inuestiga-
ta ratio est. Quorum obseruationi in dies exactiori, me totum dedico
utquæ luceat lux Vestra, in auge omnium felicitatum constituta, &
ueo animum & apprecor.

HOROSCOPVS.

Ex Antiscijs, constitutorum
in Maiori Sapientiæ Domo Lu-
minarium, obseruatus.



Ifrumpe tardi vincla supercili
Nouelle Fetus: mox vbi publicam
Lucem videris: constitutis,
Siderea super arce, vultum.

Aduerte tædis. quæ nitidas poli,
Alunt corusco lumine lampadas:
Partemq; Fortunæ, iubarq;
Noctiuagæ, Mediumq; cœli,
Horoscopantis grandeq; Delij
Signum, sereno prospiciunt tibi,
Natalis horæ cum refluxu,
Conspicuum Genesimq; ponunt.

* **V**ides? diurnæ lucis vt Arbitr,
Summâq; primas in Sapientiæ
Domo, propagatis Lecheas
Irradians studijs Athenas:

Ac concitatis Sarmatiæ iubar
Agens quadrigis, ad iuga montium
Suprema Sanctorum; serenum
Emerito vehit axe solem.

* **G**ermana Phœbi, lucida mentium
Pharos, nitenti lumine diluens,
Quæcunq; sacræ vel cathedræ,
Theologæ vel operta Stoæ,

Claudunt reclusis dogmata sensibus;
Illustrat acris viribus ingenî,
Et diffluentis lacte Suadæ,
Dat niueus pia verba Cygnus.

* **P**orrecta semper frons Iouis optimi,
Trahit benigno, post comites suos.
Amanter aspectus; quot vsquàm
Sunt animæ, pretiosiore

Quêis ære finxit pectora Cynthius:
Illustris altam protinus occupans,
Scientiæ sublimioris,
Ac niueæ probitatis augem.

* **C**vi ornat ortum purpura nobilis,
Musis amicas, fidus Apollinis
Comes, refert horas; nouellæ
Prodroma lux, ratioq; pubis.

Serum caue quis dixeris Hesperum:
Candens decori nix senij, licet
Hoc suaserit nomen: vel ipso,
Phosphorus est oriens recessu.

* **I**ntepres alti numinis, abdita
Oracula pandens; lumine naufragas
Reducit ad portum carinas,
Eloquio miserasq; dulci,

Sanat procellas mentis: Arione
Jam maior ipso: seu agit arduus
Ecclesiastes; seu profundus
Dia refert monumenta Doctor.

* **H**inc æquitatis Regula, limpida
Librando lances, hâc animi super
Appendit ingens pondus; illâ
Eximiæ probitatis aurum.

* **H**inc porrò cæli tramite cognito
Gradius instat; fortia proferens:

In eruditis arma signis,
Ingenio faciliq; Suadâ.

* **I**llinc profundæ rorè scientiæ,
Multùm suâues, veris amabile
Spargens odores Pignus; auctam,
Pacifico rotat orbe lucem.

* **I**schinc deinceps candidus, ac simul
Canorus idem: seu calamum metro
Attemperârît; siue prosâ,
Sidereas Olor ambit arces.

* **A**rdent coronæ lumina Gnosia
Stellata; gemmis ingenium suis
Augeat nitorem, & digna ferre
Sidereum diadema Virtus.

* **H**anc pone cœli portio nobilis,
Rugit per orbem mellificus Leo;
Et ore & æternum futuris,
Dulcia liba refertq; chartis.

* **H**ic Ara fulget: quâ superis honos
Accensus ardet; tinctaq; limpido
Scientiarum fonte virtus,
Auriferas trahit vnde lymphas.

* **A**t hîc sereni luce supercili,
Quod eruditum siderei capit
Orbis theatrum; clara prodit
Præperibus monumenta pennis,
Princeps volucrum. * **P**

Roximus aureo,
Per eruditæ curriculum scholæ,
Ingressus Alcidas cothurno,
Difficiles superat sophorum
Vbiq; nodos. * **P**

Alladis ægide
Armatus alter, stelligeræ domûs

Bella.


Bellator, aduersas Lycæi
Jugeno superat phalanges
Sublimiori. * **L**

Vcida nauitis,
Scientiarum pacifico mari,
Abire qui certant, procellis
In medijs, Cynotura, portus
Salusq; præsens. * **T**

Ollitur aureum
Complexa vellus, fatidicæ nitens
Carina siluæ: Enthusiasmo,
Non Zephyris, agitata vatum,
Et ore Tulli. * **C**

Complect imaginem
Horoscopantem, recta Mathematicum,
Deltoton, & perfectionis
Norma, typusq; triangularis.

Tantas reuoluit dùm Sapientiæ
Sedes, eodem themate lampadas,
Nouelle Fetus; non tuorum,
Jure queas tibi polliceri,
Augem bonorum? scilicet, hoc iubet
Coordinatis in stationibus,
Hæc Siderum, mansura longis,
O vtinam Facies calendis!



Q V Æ.



Q V Æ S T I O

V In Generatione Substantia-
li, quæ est essentialiter muta-
tio, distincta ab omnibus alijs:
pro subiecto suæ mutationis, so-
lam materiam habens: & ad to-
tum compositum vt subsistens,
tanquàm ad totalem terminum
terminata: fiat resolutio acciden-
tium ita; vt nullum quod erat in
corrupto, maneat in genito, nec
ne?

CONCLUSIO I.

Datur Generatio Substantialis, quæ est essentialiter
& intrinsecè mutatio: ab omnibus alijs distin-
cta.

C O R O L L A R I A.

- I. Generatio Substantialis non potest esse, sine
mutatione.
- II. Non sunt illi audiendi, qui existimant; mutatio-
nem Generationi Substantiali accidere.
- III. In casu generationis ex speciebus Eucharistia,
non variatur naturalis ordo Generationis.
- IV. Generatio Substantialis, essentialiter est distincta
actio, à totâ alteratione præcedenti.
- V. Ideoq; non resultat ex alteratione, vel ex qualitate
per illam productâ, sicut propria passio resultat
ex Essentiâ.

CONCLUSIO II.

Generatio Substantialis, pro subiecto suæ mutatio-
nis, habet solam materiam primam.

C O R O L L A R I A.

- I. Quidquid generatur ex præsupposito subiecto, quod
transmutatur generari necessum est.

II.

- II. *Sola materia est, quæ transmutatur de unâ formâ ad aliam: & in quâ immediatè recipitur forma substantialis.*
- III. *Materia prima, ut subest formæ corporeitatis, non potest esse subiectum Generationis.*
- IV. *Licet totum compositum in Generatione Substantiali, sit subiectum inhesionis; non tamen est subiectum mutationis.*
- V. *Creatio tam adequata, quæ dicitur simpliciter creatio; quàm inadequata, quæ dicitur concreatio, differunt à Generatione Substantiali.*

C O N C L U S I O III.

Terminus totalis, & adæquatus Generationis Substantialis, seu Qui, est compositum totum ut subsistens.

C O R O L L A R I A.

- I. *Compositum Physicum ex materiâ & formâ præcisè, nequit esse terminus totalis & adæquatus Generationis.*
- II. *Generatio Substantialis, non terminatur intrinsecè & adæquatè ad formam: nec ad unionem eius cum materiâ.*
- III. *Licet forma substantialis, non sit terminus Qui*
Gene-

Generationis; est tamen terminus formalis, & partialis Quo, eiusdem.

IV. Terminus totalis Quo Generationis, est integra natura, ex materiâ & formâ unitis.

V. Proprietates, quæ resultant ex vi eiusdem actionis, per quam res generatur, sunt terminus secundarius Generationis.

CONCLUSIO IV.

In Generatione Substantiali, fit resolutio accidentium ita; ut nullum quod erat in corrupto, maneat in genito.

COROLLARIA.

I. In Corruptione Substantiali, fit resolutio usq; ad materiam primam.

II. Nullum accidens, siue illud absolutum, siue relativum, inhaeret immediate materiæ primæ tanquàm subiecto.

III. Proinde subiectum accidentium, est ipsum totum.

IV. Forma substantialis, introducitur in materiam denudatam omni formâ, tam substantiali, quàm accidentali.

V. Di-

V. Dispositio ultima, nunquam est simul cum forma, quæ corrumpitur; sed cum illâ quæ generatur.



EX DATO Horoscopo

Q V Æ S I T V M.

Cur Characteres tantum, non nominatim Significatores tituli, obseuatorum Luminarium sint adnotati?



Væ Genesim partûs nostri, formauit imago
Astrorum? accipe, qui forte videre cupis.
Sol, Phœbe, Gradus, Olor, Cynosura, Corona,
Iuppiter, Alcides, Phosphorus, Ara, Leo,
Libra, Atlantiades, Agnus, Delatoton, & Argo,
Persæus, Reginæ, claraq; signa Aquilæ.
Lumina tot Sapientiæ, habet Domus inclyta Maior.
Nomina cur horum, quæso Pœma tacet?
Cumq; aliàs numeros nôrit, numerare quid ista
Mittit? Sidera sunt: quis numerare queat?

A. M. D. G. B. V. M.



C R A C O V I Æ,

Apud Heredes CHRISTOPHORI SCHEDEL,
S. R. M. *Typographi.*



XXIV. 5. 17.

